

## Олн-әмтиг культурин сергмджәр тетгхин тускар

Танъгъчин кўч-кўлсч олн  
әмтс болн цуг кохозникуд  
ōдрә шунмгъа кōдлмшиннъ  
хōн седклән амрадж, куль-  
турн кевәр амртва гидж зō-  
вәр ик кōдлмш кегддж йов-  
хин тускар танъгъчин кўцәгч  
комитетин культурин әнъгин  
начальник Эрднин Бадм мана  
корреспондентд сонъсхв:

—Танъгъчин òргн теегәр  
тōгәлдж, олн әмтнд кино  
гаргъдж ўзўлтхә гидж „К-303“  
гидг маркта 22 киноаппарат  
ирв. Тōгәләд йовад ўзўлдг  
кино зōтхә гидж „ГАЗ-69“  
гидг 8 машин ирсн бәәнә. Тер  
йовад ўзўлдг кинос тетгхд 11  
электростанце тәвгдсн бәәнә.

Приютненск, Приозерн, Юс-  
тинск болн Яшкульск райодар  
кино ўзўлдг театрмуд шинәс  
кегдсн, кōдлджәцхәнә. Дакад  
передвижной клуб зōдг нег  
ик машин ирв. Эн машигъяр  
кеер холд, малин идгәр йовсн  
хōбчнрт, ўкрчнрт наадн ўзўл-  
гдхмн.

Удл уга Приютненск, Юс-  
тинск, Приозерн, Сарпинск  
райодар шинәс культурин  
Гермўд секгдджәнә. Сарпинск  
района „Степной“ совхозд 250  
кўн багтад суудг клуб секгдв.  
Юстинск, Приютненск, При-  
озерн болн Яшкульск райодт  
библиотеке бўрдәгдджәнә.

Әднәс талдан селәнә 10  
библиотек болн 5 клуб секгддж  
бәәнә.

Әлст балгъсна голдк кōк  
модн заагт ик гидг Зуна театр  
кегддж бәәнә. Әлстин парк  
дотр багъчуд нәр гаргъдг  
эстрадта биилдг бәәрн яедж,  
шинәс икдўлдж кегдджәнә.